



Los ntawm Thawj Tswj  
Hwm Thomas S. Monson

# Tus Cawm Seej Hu Peb Los Pab Lwm Tus

**T**xhua tus uas tau kawm txog kev ua leb paub tias tej zauv feem tuaj hauv qab uas sib thooj yog dab tsi. Rau peb Haiv Neeg Ntseeg, muaj ib qho sib thooj uas ua rau peb koom siab ua ke. Qhov sib thooj ntawd yog qhov uas Vajtswv hu peb txhua tus los ua hauj lwm hauv Nws lub nceeg vaj nyob hauv ntiaj teb no.

Nej puas muaj txim vim yws yws thaum Vajtswv hu nej los ua hauj lwm? Los yog nej puas ua Vajtswv tsaug txais txoj hauj lwm pab nej cov kwv tij nus muag, vim nej paub tias peb Leej Txiv Saum Ntuj Ceeb Tsheej yuav foom koob hmoov rau cov uas Nws hu?

Kuv cia siab tias peb yuav nco ntsoov txog lub hom phiaj ntawm peb txoj hauj lwm pab lwm tus. Lub hom phiaj uas nyob mus ib txhis ntawd yog tib lub hom phiaj uas tus Tswv hais txog nyob hauv phau Hlaws uas Muaj Nqi: “Vim saib seb, nov yog kuv txoj hauj lwm thiab kuv lub yeeb koob—uas yog kom tib neeg txais tau txoj kev tsis txawj ploj tsis txawj tuag thiab txoj sia nyob mus ib txhis.”<sup>1</sup>

Thov kom peb yuav nco ntsoov tias qhov uas peb yog mej zeej hauv Yexus Khetos lub Koom Txoos ntawm Tsoom Haiv Neeg Ntseeg hauv Hnub Nyooq Kawg tsis yog ib qho uas nplij peb lub siab tiam sis ib qho ntiag tug hauj lwm. Peb lub luag hauj lwm yog kev cawm peb tus kheej kom dim, thiab coj lwm tus mus rau hauv Vajtswv lub nceeg vaj xilethi-aus.

Yog peb muaj siab xav ua hauj lwm pab Vajtswv, peb yeej yuav tsis zoo li Cardinal Wolsey uas Shakespeare sau ntawv txog. Tom qab nws ua hauj lwm pab nws tus vaj ntxwv tas nws lub neej thiab poob nws lub hwj chim lawm, nws nyiav hais tias:

*Yog kuv tau rau siab ua hauj lwm rau  
kuv tus Vajtswv npaum li  
kuv ua hauj lwm rau kuv tus vaj ntxwv,  
Ntshu nws yeej yuav tsis  
cia kuv tsis muaj hwj chim tawm tsam  
kuv cov yeeb ncuab.*<sup>2</sup>

Vajtswv kom yus pab lwm tus li cas? “Tus Tswv kom yus muaj lub siab thiab lub ntsws uas kam ua; thiab cov uas kam ua thiab mloog lus yuav noj tej uas zoo ntawm thaj av Xi-oos nyob rau hauv hnub nyooq kawg no.”<sup>3</sup>

Ua rau kuv xav ntau thaum kuv xav txog Thawj Tswj Hwm John Taylor cov lus (1808–87): “Yog nej tsis rau siab ua nej tej hauj lwm, Vajtswv yuav rau txim rau nej vim muaj tej tug uas tej zaum nej pab tau yog nej tau ua nej tej hauj lwm.”<sup>4</sup>

Yexus lub neej thaum Nws ua hauj lwm qhuab qhia tib neeg yeej zoo li ib lub teeb ci ntsa iab uas zoo zoo. Thaum Yexus ua rau cov neeg ceg tawv txhais ceg muaj zog, ua rau cov neeg dig muag pom kev, cov lag ntseg

txawj hnov, thiab ua rau cov neeg tuag sawv rov qab los, Nws qhia hais tias, “Kuv ua ib yam li ib tug tub qhe,”<sup>5</sup>

Thaum nws hais zaj piv txwv txog tus neeg Xamalis zoo, tus Xib hwb qhia peb kom hlub peb cov neeg zej zog ib yam li peb hlub peb tus kheej.<sup>6</sup> Raws li Nws teb tus nom hluas uas nplua nuj, Nws qhia peb kom txhob ua qias dub.<sup>7</sup> Thaum nws muab zaub mov rau 5,000 tus neeg, Nws qhia kom peb paub thaum twg lwm tus xav tau tej yam.<sup>8</sup> Thiab thaum Nws Qhia Nyob Pem Roob, Nws qhia kom peb xub nrhiav tau Vajtswv lub nceeg vaj.<sup>9</sup>

Nyob hauv Sab Ntiaj Teb Tshiab no, tus Tswv uas tau sawv rov los lawm tshaj hais tias, “Nej yeej paub tej yam uas nej yuav tsum ua nyob hauv kuv lub koom txoos; rau tej hauj lwm uas nej tau pom kuv ua tej ntawd nej kuj yuav tsum ua thiab; rau tej uas nej tau pom kuv ua tej ntawd ntag nej yuav tsum ua.”<sup>10</sup>

Peb foom koob hmoov rau lwm tus thaum peb pab lawv ib yam li “Yexus ntawm Naxales . . . uas tau mus thooob plaws ua zoo.”<sup>11</sup> Thov kom Vajtswv foom koob hmoov pab peb nrhiav kev xyiv fab thaum peb ua hauj lwm pab peb Leej Txiv Saum Ntuj Ceeb Tsheej thaum peb pab Nws cov me nyuam hauv lub ntiaj teb.

#### LUS CIM

1. Moses 1:39.
2. William Shakespeare, *King Henry the Eighth*, zaj 3, dab neeg 2, tej txoj kab 456–58.
3. Doctrine and Covenants 64:34.
4. *Teachings of Presidents of the Church: John Taylor* (2001), 164.
5. Lukas 22:27.
6. Saib Lukas 10:30–37; kuj saib Mathais 22:39.
7. Saib Mathais 19:16–24; Malakaus 10:17–25; Lukas 18:18–25.
8. Saib Mathais 14:15–21; Malakaus 6:31–44; Lukas 9:10–17; Yauhas 6:5–13.
9. Saib Mathais 6:33.
10. 3 Nifais 27:21.
11. Cov Tub Txib 10:38.

#### QHIA LOS NTAWM TSAB XOY NO

“[Tus Tswv] yuav tsis cia peb swb yog peb ua peb txoj hauj lwm. Nws yuav ua rau peb muaj hwj chim tshaj peb tej txuj ci thiab kev txawj ua. . . . Nws yog ib qho zoo kawg nkaus uas yuav muaj los rau ib tug tib neeg” (Ezra Taft Benson, nyob hauv *Teaching, No Greater Call* [1999], 20). Sim qhia lawv txog txog ib zaug uas koj los sis ib tug neeg uas koj paub tau ua raws li nws tej kev txawj ua thiab tej txuj ci. Caw tsev neeg ntawd qhia txog tej yam zoo uas lawv ua thaum lawv los ua raws li “tus Cawm Seej hu lawv los ua hauj lwm pab lwm tus.”

## COV HLUAS

### Ua Hauj Lwm Hauv lub Tuam Tsev

Los ntawm Benjamin A.

**T**haum kuv nyuam qhuav muaj 17 xyoo, kuv pib xav txog qhov uas yuav muaj li cas rau yav tom ntej, thiab kuv thov Leej Txiv Saum Ntuj Ceeb Tsheej txog qhov uas kuv yuav ua li cas npaj ua tub txib thiab txais lub Pov Thawj Hwj Mekixedes. Kuv xav tias kuv yuav tsum mus rau hauv lub tuam tsev ntau dua li qub vim nws yog tus Tswv lub tsev es nyob ntawd kuv yuav nyob ze kuv Leej Txiv Saum Ntuj Ceeb Tsheej.

Kuv cuab hom phiaj ua kev cai raus dej 1,000 zaus tauj ib xyoos. Kuv xav tias kuv yuav tsum muaj lub hom phiaj no tiag tiag; kuv yoo mov seb qhov no puas yog qhov kuv yuav tsum ua. Peb Leej Txiv Saum Ntuj Ceeb Tsheej teb kuv, thiab kuv pib mus rau lub Tuam Tsev Tampico Mexico txhua hnuv Saturday.

Tom qab kuv tau ua kev cai raus dej 500 zaus, kuv cuab hom phiaj nrhiav tsev neeg zaj keeb kwm kom nrhiav tau kuv cov poj koob yawm txwv, thiab kuv nyiam nrhiav keeb kwm cuag li kuv tsaug zog tsis tau vim kuv xav nrhiav lawv tej npe. Kuv tau nrhiav 50 lub npe thiab yim tiam neeg ntawm kuv tsev neeg zaj keeb kwm; kuv tau pab ua hauj lwm hauv lub tuam tsev rau lawv txhua tus.

Kuv tau ua kev cai raus dej 1,300 zaus tawm thiab kuv kawm vaj lug kub hauv seminary tiav, tau txais lub Pov Thawj Hwj Mekixedes, thiab tam sim no kuv ua ib tug tub txib, uas yog ib lub hom phiaj loj hauv kuv lub neej.

## COV ME NYUAM

### Kuv Ua Tau Ib Yam Pab Lwm Tus

**P**eb txhua tus muaj peev xwm ua tau ib yam pab lwm tus. Thawj Tswj Hwm Monson qhia peb tias peb yuav tsum hlub txhua tus thiab kawm paub peb yuav pab lawv li cas.

Thaum koj noj hmo nrog koj tsev neeg, hais kom txhua tus hauv koj tsev neeg qhia ib yam uas nws ua pab ib tug neeg hnuv ntawd. Sau ntawv txog tej yam koj ua pab lwm tus hauv koj phau ceev xwm txheej txhua hnuv.

© 2012 los ntawm Intellectual Reserve, Inc. Ceev txhua txoj cai. Luam tawm hauv Teb Chaws Amelikas. Pub luam tawm ua lus As Kiv: 6/11. Pub txhais ua lus Hmoob: 6/11. Kev txhais *First Presidency Message, August 2012*. Hmong. 10368 295



Kev Ntseeg, Tsev Neeg, Kev Pab

# Kev Los Pab Thaum Tib Neeg Xav Tau

*Ua tib zoo thov Vajtswv kawm tej yam no thiab, thaum tsim nyog ua, sib tham txog tej no nrog cov viv ncaus uas koj mus xyuas. Siv tej lus nug no pab koj txhawb koj cov viv ncaus lub zog thiab ua kom lub Koom Haum Niam Tsev muaj feem hauv koj lub neej.*

Ua cov mus saib xyuas tom tsev, peb ib lub hom phiaj yog ntxiv dag zog rau tej tsev neeg. Xav kom cov viv ncaus uas peb mus saib xyuas hais tias, “Yog kuv muaj teeb meem, kuv paub kuv cov mus saib xyuas tom tsev yuav pab kuv es kuv tsis tas nug nkawd.” Yog peb xav pab lwm tus, peb muaj ntiag tug hauj lwm paub tias cov viv ncaus uas peb saib xyuas xav tau dab tsi. Thaum peb nrhiav kom txais kev tshoov siab, peb yuav paub ua li cas rau tej kev xav tau ntawm sab ntsuj plig thiab sab nqaij daim tawv rau txhua tus viv ncaus uas peb mus xyuas. Ces, vim peb siv peb lub sij hawm, tej txuj ci, muaj kev ntseeg thov Vajtswv, thiab txhawb nqa lawv sab ntsuj plig thiab lub siab, peb yuav pab muaj siab hlub ua hauj lwm pab lwm tus thaum muaj kev mob, kev tuag, thiab lwm yam xwm txheej.<sup>1</sup>

Los ntawm qhov uas cov mus saib xyuas tom tsev qhia tias lawv tau ua dab tsi, lub Koom Haum Niam Tsev pawg thawj tswj hwm kawm txog cov uas muaj tej kev xav tau tshwj xeeb vim muaj mob ntawm sab cev nqaij daim tawv los yog lub siab, cov uas raug xwm txheej, yug me nyuam, tso lub ntiag teb tseg, xiam hoob khab, kho siab los yog muaj tej kev cov nyom. Ces Koom Haum Niam Tsev tus thawj tswj hwm qhia tej ntawd rau tus npis sov. Los ntawm tus npis sov txoj kev cov,

nws koom tes nrhiav neeg pab.<sup>2</sup>

Vim peb yog cov mus saib xyuas tom tsev peb “muaj kev xyiv fab loj heev” vim “qhov no yog txoj koob hmoov uas tau muab rau peb, xwv kom peb tau los ua cuab yeej nyob rau hauv Vajtswv txhais tes kom coj txoj hauj lwm tseem ceeb no.” (Amas 26:1, 3)

## Los ntawm cov Vaj Lug Kub

Mathais 22:37–40; Lukas 10:29–37; Amas 26:1–4; Doctrine and Covenants 82:18–19

## Los ntawm Peb zaj Keeb Kwm

Thaum nyuam qhuav pib lub Koom Txoos, muaj mej zeej tsawg tsawg xwb thiab lawv nyob hauv tib qho chaw. Cov mej zeej yeej pab tau sai sai thaum lwm tus xav tau. Hnub no peb muaj 14 plhom tus mej zeej nyob thoob plaws lub ntiag teb. Kev saib xyuas tom tsev yog ib feem ntawm tus Tswv txoj hau kev pab tag nrho Nws cov me nyuam.

Thawj Tswj Hwm Henry B. Eyring, tus Pab Cuam thib Ib hauv Thawj Pawg Thawj Tswj Hwm hais tias, “Tib tug txheej txheem uas yuav pab tsom kwm saib xyuas thiab nplij neeg lub siab hauv ib lub koom txoos loj npaum li no nyob hauv ib lub ntiag teb uas muaj neeg sib txawv tsuas yog qhov uas txhua tus tub qhe pab cov neeg uas xav tau tej yam nyob ze lawv.”

Nws hais ntxiv hais tias, “. . . Txhua tus npis sov thiab ceg txheem ntseeg tus thawj tswj hwm muaj lub Koom Haum Niam Tsev ib tug thawj tswj hwm uas txhawb nqa nws. Nws muaj cov mus saib xyuas tom tsev, uas paub txog tej kev sim siab thiab kev xav tau ntawm txhua tus viv ncaus. Los ntawm nws, nws muaj peev xwm paub tib neeg thiab tsev neeg lub siab xav. Nws pab lawv tej kev xav tau thiab pab tus npis sov ua nws txoj hauj lwm saib xyuas tib neeg thiab lawv tsev neeg.”<sup>3</sup>

## LUS CIM

1. Saib *Handbook 2: Administering the Church* (2010), 9.5.1; 9.6.2.
2. Saib *Handbook 2*, 9.6.2.
3. Henry B. Eyring, nyob hauv *Daughters in My Kingdom: The History and Work of Relief Society* (2011), 110.

## Kuv Yuav Pab Li Cas?

1. Kuv puas siv kuv tej xiaj ntsim thiab txuj ci foom koob hmoov rau lwm tus?
2. Cov viv ncaus uas kuv saib xyuas puas paub tias kuv kam pab lawv thaum lawv xav tau?

Kom tau ntaub ntawv xov xwm ntxiv, cia li txuas rau [reliefsociety.lds.org](http://reliefsociety.lds.org).